



# UYebo nezimuzimu

Ntombifuthi Ncwayiba

Kamogelo Matlawe





UYebo nabazali bakhe babehlala ehlathini.

Kule ndawo ababehlala kuyo, kwakuhlala uZim-zim, owayeyizimuzimu.

UZim-zim wayedume ngokudla izingane.



USikhwebu, ubaba kaYebo, wayengumzingeli. Wayethi uma ebuya ukuyozingela amemeze, “Yebo! Yebo! Woza uzongihlangabeza mntanami.”

UYebo wayethi kumama wakhe, “Ubaba uyangibiza. Kufanele ngiyomhlangabeza.”

UZim-zim wakubona konke lokhu.



UZim-zim wazama ukuzenza uSikhwebu, “Yebo! Yebo! Woza uzongihlangabeza mntanami.”

Wayazi ukuthi izwi lakhe alifani nelikaSikhwebu.

“Ngingalishintsha kanjani izwi lami?” uyazibuza.





UZim-zim wacela usizo kumthakathi.

“Ngingalishintsha kanjani izwi lami lifane nelabantu?” uyabuza.


“Shisa imbazo ize ibe bomvu, bese uyigwinya iphelele,” kusho umthakathi emcebisa.



UZim-zim waphindela ekhaya, wagwinya imbazo eshisa bhe.

Wase ememeza, “Yebo! Yebo! Woza uzongihlangabeza mntanami.”


Lutho! Izwi lakhe lalingafani nelikaSikhwebu. Lalikhulu kakhulu.



Waphindela kumthakathi engeneme neze uZimzim.

“Ngingenza kanjani ukuze ngibe nezwi elincane, labantu?” wabuza.

“Kulokhu kuzomele uyishise ubusuku bonke imbazo, kuthi ekuseni, uyigwinye iphelele,” kuphendula umthakathi.



Emuva kokwenza abekutsheliwe, uZim-zim wahamba wayomemeza, “Yebo! Yebo! Woza uzongihlangabeza mntanami.”

Izwi lakhe lalifana ncamashi, nelikaSikhwebu.

UYebo waphumela phandle ejahile.

Kodwa kwakungeyena uyise.





UYebo wabona iphutha lakhe singasekho isikhathi.

Wazama ukubaleka angene endlini, kodwa uZim-zim wambamba kalula.


Wathwala uYebo njengogodo wayombeka phakathi ehlathini.



Masishane, uSikhwebu wafika ekhaya wamemeza, “Yebo! Yebo! Woza uzongihlangabeza mntanami.”

Kodwa uYebo akazange aphume. Umama wakhe waphendula wathi, “Ubusumbizile nje.”

Babona ukuthi ingane yabo ithathwe nguZimzim.



USikhwebu wathatha induku yakhe yokuzingela, waphikelela ehlathini ukuyofuna indodana yakhe.


Esaqhamuka, wabona uZim-zim elele ngasemfuleni. Wayebeke isaka elikhulu phambi kwakhe.



USikhwebu wanyonyobela uZim-zim. Wathi esesondele, wadonsa induku yakhe ende, washaya uZim-zim.

UZim-zim wagxuma, evuka ebuthongweni edidekile. Wabaleka.

USikhwebu wavula isaka wadedela indodana yakhe.



USikhwebu wagona indodana yakhe, ejabulile ukuthi batholene. UYebo naye wayejabulile ukubona uyise.

Bakhohlwa nguZim-zim, baphindela ekhaya.





Ulwazi Lwethu is a Zenex Foundation funded and initiated project to develop a series of graded and leisure African language readers and teacher support materials. This project is targeted at teaching and supporting learners in the Foundation Phase to improve their home language reading and understanding. The readers have been originated in nine African languages in collaboration with Molteno Institute for Language and Literacies, Nelson Mandela Institute for Education and Rural Development, Room to Read South Africa, and Saide. All resources are developed as Open Education Resources (OER).



NELSON MANDELA  
INSTITUTE FOR  
EDUCATION AND  
RURAL DEVELOPMENT



World Change Starts with Educated Children

Your attribution should include the following:

Title: UYebo nezimuzimu

Author/s: Ntombifuthi Ncwayiba

Translator/s: Zanele Ndlovu


Illustrator/s: Kamogelo Matlawe

Assurer/s: Zanele Zuma

Language: isiZulu

© Zenex Foundation - Saide 2023

CC BY includes the following elements:

BY  - Credit must be given to the creator

